

Saksframlegg

Arkivreferanse:2019/43374- 1
Saksbehandler: Geir Sør-Reime, Rogaland
Avdeling: Fylkesrådmannen

Orienteringer om internasjonalt arbeid

Sakens gang

Saksnummer Møtedato Utvalg

Fylkesrådmannens innstilling

Saka vert tatt til orientering

Nordsjøkommisjonen og CPMR

Ny Nordsjøstrategi

Nordsjøkommisjonen har arbeidd med eit nytt strategidokument sidan i fjor, og framlegg til overordna prioriteringar blei lagt fram på generalforsamlinga i Marstrand i juni. Etter det har arbeidsgruppa arbeida vidare med dokumentet, og det ligg no føre eit framlegg til ny strategi som skal drøftast på styremøtet i Nordsjøkommisjonen 8.november. Merknader frå dette møtet skal så arbeidast inn i dokumentet, som så igjen vert lagt fram for styret til våren, og på generalforsamlinga i juni 2020. Her skal strategien 2020-30 vedtakast.

Det er med andre ord framleis mogleg å gje innspel og kommentarar til utkastet.

Innleiinga seier at formålet med strategien er at han

- skal vera grunnlag for Nordsjøkommisjonens arbeid framover
- vil bli fylgt opp med toårige handlingsplanar
- er grunnlag for påverknadsarbeid, felles innspel til høyringar på EU og medlemsstatnivå, for utvikling av felles prosjekt, for utveksling av informasjon og god praksis mellom medlemsfylka og for å gjera innbyggerane medvetne om europeisk politikk
- vil definera Nordsjøkommisjonens prioriteringar i samarbeid med statleg nivå og andre aktørar i Nordsjøområdet
- vil bli nytta i dialogen med Interreg Nordsjøprogrammet for å få gode synergjar mellom politiske mål og Interreg-prosjekt
- er eit verktøy for Nordsjøkommisjonens kommunikasjon med medlemsfylka, potensielle medlemar og andre aktørar i Nordsjøregionen
- har fokus på område der det er trong for transnasjonalt samarbeid og der regionale styremakter kan spela ei rolle
- syner korleis Nordsjøregionen kan vera med og oppfylle verdas mål for berekraftig utvikling

Strategien skal vera eit tillegg til CPMRs strategiar og visa korleis Nordsjøkommisjonen kan støtta opp om arbeidet til CPMR.

Strategien har fire satsingsområde:

- Ein produktiv og berekraftig Nordsjø, med berekraftig marin og maritim utvikling
- Ein klimanøytral Nordsjøregion, ein region med klimatiltak og klimatilpassing for å nå målet om null klimagassutslepp innan 2050
- Ein godt samanvevd Nordsjøregion, med fossilfri, sikker og brukarvenleg transport overalt og til alle
- Ein smart Nordsjøregionen, som er i front i berekraftig økonomi og demokrati

Avslutningsvis har strategidokumentet eit avsnitt om korleis ein vil gjennomføra tiltak for å nå måla i strategien. Det handlar om samarbeid mellom medlemsregionane, mobilisering av medlemmar, andre aktørar og innbyggjarane, utvikling av ny kunnskap, utvikla, fylgja og ta i bruk resultat frå EU-finansierte prosjekt og samarbeida med Interreg Nordsjøprogrammet for sams mål, påverka utforming av europeisk, nasjonal og regional politikk gjennom fråsegner, policy-dokument og gjennom samarbeid med nasjonale, europeiske og internasjonale institusjonar og organisasjonar.

CPMR Manifest

CPMR hadde generalforsamling i Palermo på Sicilia 18.-19.oktober. På generalforsamlinga var Rogaland og Sogn og Fjordane representert på både politisk og administrativt nivå, medan Møre og Romsdal berre hadde administrativ deltaking. Hordaland deltok ikkje på møtet.

På møtet blei det vedteke eit manifest, forutan to policydokument der CPMR kjem med kommentarar til EU-dokument om transportpolitikk og om klimapolitikk.

Policydokumentet om transportpolitikk handlar fyrst og fremst om at alle regionar i Europa må få lett tilkomst til dei overordna transportstrukturane knytt til vegar, jernbane, båtruter og flyruter, medan policydokumentet om klimapolitikk primært handlar om at det må etablerast partnerskap mellom nasjonale og regionale organ for gjennomføring av EU sine klimamål.

Manifestet i fem punkt summerer opp CPMR sine hovudprioriteringar: forsvar for dei demokratiske tradisjonane i Europa, utvikling av alle regionane i Europa, styrka regionalpolitikken, nytta regionane til å gjennomføra politikken, og eit tett samarbeid mellom EU og dei andre landa i Europa for å løysa felles utfordringar.

Marianne Chesak held fram som norsk vararepresentant til styret (byrået) fram til generalforsamlinga oktober 2020, og arbeidsdelinga mellom henne og fast representant Gunn Marit Helgesen blir som no, der Gunn Marit primært arbeider med saker som 1.visepresident og kasserar i organisasjonen, medan Marianne ivaretek dei norske medlemsfylka.

Framlegget til strategi for Nordsjøregionen 2020-30 og CPMRs manifest er lagt ved.

Inge Smith Dokken
fylkesrådmann

Arne Hope
sekretariatsleiar

Dette dokumentet er elektronisk godkjent.

